



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-1-40-629-2/22**
Datum: **20.12.2022. godine**

«Agencija za vodno područje rijeke Save» Sarajevo rješavajući po zahtjevu Investitora „MFS TRADE“ d.o.o., Doboj Istok za izdavanje prethodne vodne saglasnosti za izgrađenu kanalizacionu mrežu- recipijent sanitarno-fekalnih, tehnoloških, oborinskih voda iz poslovnog objekta za proizvodnju mliječnih proizvoda u naselju Duje-Klokoćnica, općina Doboj Istok, na osnovu člana 139. stav 1. Zakona o vodama («Službene novine Federacije BiH», broj 70/06) i člana 200. stav 1. Zakona o upravnom postupku («Službene novine Federacije BiH», broj 2/98, 48/99 i 61/22), **donosi**

R J E Š E N J E

1. Odbija se zahtjev Investitora „MFS TRADE“ d.o.o., Doboj Istok za izdavanje prethodne vodne saglasnosti za izgrađenu kanalizacionu mrežu- recipijent sanitarno-fekalnih, tehnoloških, oborinskih voda iz poslovnog objekta za proizvodnju mliječnih proizvoda izgrađenog na zemljištu označenom kao k.č. broj: 1215/1 K.O. Klokoćnica, općina Doboj Istok s obzirom da za predmetnu aktivnost nije propisana obaveza pribavljanja vodnih akata od strane ove Agencije.
2. Investitor „MFS TRADE“ d.o.o., Doboj Istok posjeduje rješenje o vodnoj dozvoli broj: UP-I/25-3-40-701-8/18 od 28.05.2019. godine za aktivnost ispuštanja tehnoloških otpadnih voda u prirodni recipijent sa lokaliteta pogona za proizvodnju mliječnih proizvoda izgrađenog u naselju Duje-Klokoćnica na zemljištu označenom kao k.č. broj: 1215/1 K.O. Klokoćnica, općina Doboj Istok.

O b r a z l o ž e n j e

Investitor „MFS TRADE“ d.o.o., Doboj Istok se obratio ovoj Agenciji za izdavanje prethodne vodne saglasnosti za izgrađenu kanalizacionu mrežu- recipijent sanitarno-fekalnih, tehnoloških, oborinskih voda iz poslovnog objekta za proizvodnju mliječnih proizvoda u naselju Duje-Klokoćnica, općina Doboj Istok

U provedenom postupku dostavljena je i pregledana sljedeća dokumentacija:

- Ovjerena kopija Rješenja o izmjenama podataka broj: 032-0-Reg-18-001896 od 07.12.2018. godine izdato od Općinski sud u Tuzli;
- Ovjerena kopija Uvjerenja o poreznoj registraciji izdatog od Porezne uprave-Kantonalni porezni ured Tuzla od 23.01.2019.godina;
- Ovjerena kopija katastarskog plana, razmjera 1:2500, broj plana 4., UR broj: 05-26-926/2022-3 od 15.11.2022. godina izdato od Općinska služba za prostorno uređenje, općina Doboj Istok;
- Ovjerena kopija zemljišnoknjižnog izvotka broj:027-0-NAR-20-004042, zk.uložak broj: 2155 K.O. Klokoćnica, općinski sud u Gračanici;
- Ovjerena kopija Mišljenja o usklađenosti sa prostornim planom broj: UP-I-05-19-429/22 od 12.10.2022. godine izdato od Općinska služba za prostorno uređenje, općina Doboj Istok;
- Kopija Obavjesti o dopuni zahtjeva broj: UP-I-05-19-429/20 od 27.09.2022. godine izdata od Općinska služba za prostorno uređenje, općina Doboj Istok;
- Studija za izdavanje prethodne vodne saglasnosti za proizvodno-poslovni objekat mljekare, reg broj: 10-18/21, broj protokola: 153/21, Januar 2021. godina urađena od „TQM“ d.o.o., Lukavac;
- Dokaz o uplaćenju upravnoj pristojbi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

Na osnovu dostavljene dokumentacije, Studije za izdavanje prethodne vodne saglasnosti i mišljenja tehničke struke utvrđeno je slijedeće:

Investitoru „MFS TRADE“ d.o.o., Doboj Istok je izdato rješenje o vodnoj dozvoli broj: UP-I/25-3-40-701-8/18 od 28.05.2019. godine za aktivnost ispuštanja tehnoloških otpadnih voda u prirodni recipijent sa lokaliteta pogona za proizvodnju mliječnih proizvoda izgrađenog u naselju Duje- Klokotnica na zemljištu označenom kao k.č. broj: 1215/1 K.O. Klokotnica, općina Doboj Istok.

Investitor je, u skladu sa članom 13. stav (6), (7), (8) i (9) Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 101/15, 1/16 i 101/18) dostavio revidovanu projektnu dokumentaciju separatnog sistema prikupljanja, odvodnje i tretmana otpadnih voda proizvodnog pogona i Dinamički plan aktivnosti sa termin planom izgradnje separatnog sistema prikupljanja i tretmana otpadnih voda, a potom ispuštanja prečišćenih otpadnih voda u prirodni recipijent – bezimni potok za period august 2019.- august 2023. godine u kome je dat:

- Spisak aktivnosti i mjera sa finansijskom procjenom za ulaganje (za svaku narednu godinu razrađeno po godinama)
- Rokove u kojima će pravni subjekt realizirati pojedine aktivnosti te rok u kome se moraju realizirati svi radovi (predviđeni projektnom dokumentacijom) na sistemu za prikupljanje, tretman tehnoloških otpadnih voda i ispuštanje prečišćenih voda u prirodni recipijent

Prema dostavljenom dinamičkom planu u rješenju o vodnoj dozvoli broj: UP-I/25-3-40-701-8/18 od 28.05.2019. godine dati su slijedeći uslovi:

- 2.2. Da se do januara 2023. godine, a u skladu sa dostavljenim dinamičkim planom koji je sastavni dio rješenja, realizuju radovi predviđeni projektom prikupljanja, odvodnje i tretmana otpadnih voda pogona za proizvodnju mliječnih proizvoda («TQM» d.o.o. Lukavac, maj 2019. godine) tj da se završe sve aktivnosti vezane za izgradnju separatnog sistema za:
 - prikupljanje i odvodnju sanitarno-fekalnih otpadnih voda iz toaleta za uposlene do uređaja za tretman otpadnih voda,
 - prikupljanje i odvodnju tehnoloških otpadnih voda nastalih u postupku prerade mlijeka i proizvodnje mliječnih proizvoda do mastolova a potom do uređaja za tretman otpadnih voda te ispuštanje prečišćenih voda preko okna za monitoring u recipijent,
 - prikupljanje i odvodnju oborinskih voda sa platoa ispred pogona.
- 2.3. Da se usvojenim tehničkim rješenjem iz projektne dokumentacije i realizovanim radovima poduzmu sve potrebne mjere kojima bi se obezbijedilo da prečišćene otpadne vode, prije ispuštanja u recipijent (bezimni potok a potom rijeka Spreča) na mjestu ispusta, zadovolje granične vrijednosti emisije definisane u tabeli datoj u prilogu 4. (kolona 4) Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 101/15, 01/16 i 101/18).
- 2.4. Objekte kako postojeće, tako i one koji će se, nakon realizacije predviđenih radova, koristiti u svrhu prikupljanja, odvodnje i tretmana tehnološki i ostalih otpadnih voda nastalih u krugu pogona (kanalizaciona mreža, slivničke rešetke, mastolov, uređaj za tretman tehnoloških otpadnih voda...) potrebno je održavati i koristiti na takav način koji će obezbijediti njihovu potpunu ispravnost i funkcionalnost. O načinu i vremenu radova održavanja neophodno je voditi službenu evidenciju i arhivu.

Na osnovu provedenog postupka donošenja rješenja o vodnoj dozvoli broj: UP-I/25-3-40-701-8/18 od 28.05.2019. godine, konstatovalo se da je Investitor, «MFS TRADE» d.o.o. Doboj Istok, ispunio minimum uslova za izdavanje vodne dozvole za ispuštanje tehnoloških otpadnih voda u prirodni recipijent sa lokaliteta pogona za proizvodnju mliječnih proizvoda izgrađenog u naselju Duje-Klokotnica, općina Doboj Istok i u skladu s tim Investitor posjeduje saglasnost za sve radove predviđene projektom prikupljanja, odvodnje i tretmana otpadnih voda pogona za proizvodnju mliječnih proizvoda jer isti čine sastavni dio navedenog rješenja.

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Zaključka.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Remić DŽ., dipl.iur.

Po ovlaštenju
Rukovodilac sektora za zdavanje vodnih akata



Haris Ališehović
Haris Ališehović, dipl.inž.građ.

Dostaviti:

- „MFS TRADE“ d.o.o., Doboj Istok
Ul.Zlatnih ljiljana br.144, Klokočnica-Doboj Istok
- AVP Sava, ISV-vodna knjiga
- Sektor 40 – arhiva
- Oglasna ploča – AVP Sava